

Saludo kay Kaupod Eugenia "Eugene" Magpantay

Komiteng Tagapatumon
Komite Sentral
Partido Komunista sang Pilipinas
30 Nobyembre 2020

Si Kaupod Eugenia "Eugene" Magpantay kag bana niya nga si Agaton "Ching" Topacio lunsay beterano nga rebolusyonaryo ginpatay sang tuman kapintas kag wala sang inugbato sang mga ginmanduan nga berdugo sang pasistang rehimeng Duterte sang kaagahanon sang 25 Nobyembre sa Angono, Rizal.


Suno sa report sang mga kasilingan, ginpalibutan sang madamol nga kubay sang mga pasistang suldado kag pulis ang ila nga balay, kag pataratas nga ginpaulanan sang lupok, dason ginsulod kag dalayon sila nga ginpatay. Sa report sang CIDG-PNP kag suno sa sobrang gasgas na nga iskrip bahin sa mga pagpatay ala-Tokhang, ang duha kuno

...sundan sa pahina 2



Pagpagpasidungog kay Kaupod Agaton "Boy" Topacio

Komiteng Tagapatumon
Komite Sentral
Partido Komunista sang Pilipinas
30 Nobyembre 2020



Sa ngalan sang Partido, hugot sa tagipusuon kami nga nagapakig-unong sa mga anak, apo, pamilya kag mga kaupod ni Kaupod Agaton "Boy" Topacio nga bisan wala na sang inugbato planado kag wala-kaluoy nga ginpatay gihapon sang mga armadong gaway sang pasistang rehimeng Duterte sa Angono, Rizal sang 25 Nobyembre 2020.

Si Kaupod Boy, 68 tuig ang edad halin sa sahing mamumugon, unyonista kag aktibista sa pabrika sang tela, kag kaptapo sang pangkulturang asosasyon nga Panday Sining sang 1970.

...sundan sa pahina 3

nagbato sa mga nagaserbi sang mga warrant of arrest kag search warrant sa paborito nga oras sang kapulisan, kadalman sang dulom samtgang nagakatulog ang mga target. Kag syempre pa, gintamnan sila sang arsenal sang mga granada, pistola kag riple nga mataas ang kalibre.

Si Kaupod Eugene pila ka tuig na nga retirado bangud sa malala nga ginabatyag. Napilitan siya nga mag-pahuway bangud sa diabetes kag kroniko nga arthritis nga nagsamad sa iya nga mobilidad; sang ulihi nag-kumplikar pa ang iya nga sakit nga stroke kag hypoxia (kulang sang suplay sang oxygen sa utok) nga nangin kabangdanan sang pila ka adlaw nga pagka-comatose niya. Samtgang nauna sang gamay sa pagretiro si Kaupod Ching bangud sa sakit sa tagipusuon.

Mabaskog nga ginakundenar sang Partido Komunista sang Pilipinas ang uhaw-sa-dugo nga kampanya sang pagpamatay sang pasistang rehimeng Duterte sa mga rebolusyonaryo nga wala na sang ikasarang nga magbato. Hayagan nga paglapas ang mga ini sa CARHRIHL kag JASIG nga ginpirmahan sang NDFP kag GRP kag mga internasyunal nga layi kag internasyunal nga tawhanon nga layi. Ang brutal nga pagpamatay nga ini talalupangdon nga babin sang antikomunistang teror nga tatto ka tuig na nga ginasabwag sang rehimeng Duterte sa binuang nga

handom nga lumson sa dugo ang hanngaway sang banwa kag rebolusyon antes ang 2022.

Hugot sa tagipusuon kami nga nagapakig-unong sa mga anak kag apo nanday Kaupod Eugene kag Ching, sa ila nga mga utod, pamilya kag kaupod. Ang Partido kag rebolusyonaryong hublag lubos nga naga-pasalamat sa wala sang pagpang-alang-alang nga paghalad nila sang tanan nila nga kusog, kinalam kag kabuhi, sa ila nga tampad kag bulawanon nga pag-alagad para masulong ang paghimakas sang pumuluyo pakadto sa lubos nga pungsodnon nga kahilwayan kag tunay nga demokrasya kag sosyalistang palaabutan.

Si Kaupod Eugene dalayawon nga lider sang Partido nga sa masobra kwarenta ka tuig nakahatag sang dalagku nga amot sa pagsulong sang mga rebolusyonaryong hilikuton kag paghimakas, nag-uyat sang mga responsable nga pusision, kag nagserbi nga haligi sa nagkalainlain nga linya, lebel kag sakop.

Nangin makabanwa nga aktibista siya sang 1970 samtgang naga-eskwela sa Unibersidad sang Pilipinas sa Diliman kag nangin katapo sang UP Nationalist Corps kag Samahang Demokratiko ng Kabataan (SDK). Nangin katapo siya sang Partido sang manugtapos ang 1971 kag nangin organisador kag lider sang progresibong hublag sang pamatanon-estudyante. Sang ginpapanaog ni Marcos ang pagginahum militar, nagpasakop siya sa kahublagang tago sa Metro Manila-Rizal batuk sa pasistang diktadurya.

Sang 1976 nadakop siya sang mga gaway sang diktadurya, gintrosityur kag ginbartolina sa sulod sang 5 ka bulan. Ginhilway siya sang Agosto 1977 pero liwat nga gindakop sang Septyembre 1977. Tulod sang daku nga kaakig sa gin-agyan nga mga pasistang pagpang-abuso, nagpalagyo siya sang Disyembre 25, 1977 kag nagkadto sa kaumhan kag nagpatapo sa Bagong Hukbong Bayan. Nangin giya pangpolitika siya sang armadong yunit propaganda sa Nueva Ecija.

Napilian siya bilang katapo sang Komiteng Rehiyon sang Western Central Luzon kag gintalana sa hilikuton edukasyon. Nasaylo siya sa Cagayan Valley sang 1981 kag napilian sa Komiteng Rehiyon didto, nangin katapo sang Komite nga Tagapatuman kag kalihiman bilang naga-pamuno sa hilikuton edukasyon.

Sang 1983 nangin myembro siya sang Northern Luzon Commission (NLC) nga responsible sa edukasyon sang Partido. Sang 1985 napilian siya nga katapo sang Komite Sentral. Sang 1992 napilian siya liwat sa Komite Sentral sang Partido kag Political Bureau kag gintalana nga sekretaryo sang Komiteng Rehiyon sang Central Luzon, katungdanan nga ginayutan niya tubtob 2006.

Bilang sekretaryo sang KR-CL, ginpamunuon niya ang pagbato sang rehiyon sa kampanyang anti-Partido, paksyunalista kag away sa Ikaduha nga Kahublagan Panadlong kontra sa mga Trotskyista kag kontrarebolusyonaryo.

Umpisa 2007 tubtob 2015 ginpamunuon niya ang Pambansang Kagawaran sa Edukasyon (Paked) sang Partido. Nanguna siya sa pagpauswag sang 3-lebel nga mga regular nga kurso sang Partido, amo man sa mga ispesyal nga kursong teoretikal kag pulitikal kag nagkalinlin ng mga kurso kag ubay sa nagkalainlain ng linya sang hilikuton kag kahanasan. Nangin katapo man siya sang Higher Party School sang 2009.

Sang 2014 nangin katapo siya sang Interim KTKS nga nag-uyat sa sentral nga pagpamuno sang Partido, naghanda kag nagpanguna sa paghiwat sang Ikaduha nga Kongreso sang Partido.

Sa pamaagi sang mapisan nga pagtuon kag praktika, naabot ni Kaupod Eugene ang malapad kag madalom nga ihibalo kag paghangup sa Marxismo-Leninismo-Maoismo (MLM); kasaysayan kag katilingban ng Pilipino; kag kasaysayan kag mga problema sang rebolusyonaryo Pilipino kag pangkalibutanon ng rebolusyon. Sa pag-atubang sa mga problema kag hilikuton praktikal,

ANG Bayan

Espesyal na Isyu | Disyembre 13, 2020



instagram.com/prwcnewsroom



@prwc_info



cppinformationbureau@gmail.com

Ang Ang Bayan ay ginabantala duha ka beses kada bulan sang Komite Sentral sang Partido Komunista ng Pilipinas

muklat siya kag pirme nagapaha-numdom sa kakinahanglanon nga hugot nga isanto sa kongkreto ng kundisyon ang mga teorya kag prin-sipyos sang MLM kag ang linya kag mga polisiya sang Partido.

Bangud sa madalom nga hakos niya sa rebolusyunaryong teorya kag praktika, malig-on kag husto siya nga nagpanindugan batuk sa mga impluwensya kag tendensyang bur-

gis kag petiburges sa sulod sang Partido kag militante nga nakibanggi sa mga kaisipan nga anti-Partido kag kontrarebolusyonaryo sa gwa kag sulod sang Partido.

Si Kaupod Eugene ginarespeto kag ginapalangga sang maayo sang mga kaupod kag masa bangud sa iya nga prinsipyado nga panindugan, wala sang pagpang-alang-alang nga pag-alagad, kritikal nga aktitud sa

kaugalingon, mainit nga pagpakig-upod, malig-on sa atubang sang mga kabudlayan kag sakripisyo, kag madamo pa nga dalayawon nga kinaiya. Siya tunay nga proletaryong rebolusyonaryo kag lider.

Nagtaliwan man si Kaupod Eugene indi tubtob san-o malimtan sang mga komunista kag rebolusyonaryo ang bulawanon niya nga kabuhi.

Mapulang saludo sa rebolusyonaryong martir nga si Kaupod Eugene!
Malig-on nga sundon ang rebolusyonaryo nga dalan ni Kaupod Eugene!
Itimalos si Kaupod Eugene kag iban pa nga martir kag biktima sang pasistang kakugmat!
Isulong ang demokratikong rebolusyon sang banwa tubtob sa lubos nga kadalag-an!

"...Topacio" halin sa pahina 1

Nangin katapo siya sang Partido sang 1971 kag sige-sige nga nagtag sang iya lubos panahon sa mga hilikuton sa rebolusyon. Sang ginpanao ang pagginahum militar ni Marcos nangin kabahin siya sang kahublagang tago sa kasyudaran tubtob nga madakop sang 1973. Apat ka tuig siya nga ginsaylu-saylo sa mga bilangguan sa mga kampo sang militar, halin Kampo Olivas, Stockade 4 sa Crame kag Bicutan. Upod sila ni Kaupod Eugenia Magpantay nga nakapalagyo sang Paskua sang 1977, nagkadto sa kaumhan kag nagpatapo sa hangaway sang banwa sa Nueva Ecija, probinsya nga gibunagan kay Kaupod Boy.

Pila ka tuig nga nangin giya pangpolitika siya sang armadong yunit propaganda nga nagpalapad kag nagpalig-on sang mga sona kag baseng gerilya sa probinsya. Napanday siya sa mga kabudlayan kag pagtilaw sang mga tuig sang pagpundar halin sa halos wala, sang pag-antus sa malala nga kaimulon, pasensyuso nga pagkuha sa buot, pagpukaw kag pag-organisa sang mga mangunguma, kag mapangahas nga pagsulong sang armadong pagbato halin sa pila lang ka bilog nga armas kag bala. Sang 1979 gintalana siya nga katapo sang Komiteng Rehiyon-Eastern Central Luzon.

Nasylo siya sa Cagayan Valley sang 1981 kag nigin katapo sang

komiteng rehiyon didto. Nagboluntaryo siya sa pagbalik sa hangaway sa Nueva Vizcaya kag nagtindog nga sekretaryo sang Partido kag kumander sang hangaway. Madinalag-on man liwat nga natukod kag napalapad ang mga sonang gerilya, napsulong ang kahublagan mangunguma kag napapagsik ang pagpakig-away gerilya sa probinsya. Sang 1982 gintalana siya nga sekretaryo sang Partido kag pulitikal nga instruktor sang platon sang sentro-de-grabidad sang Cagayan Valley.

Sang 1983 nasaylo siya sa Cordillera kag nangin kumander sang pangunahon nga yunit gerilya sang Cordillera sa panahon sang kasagsagan sang paghimakas sa pasista nga diktaduryang Marcos. Madasig nga naglapad kag nagsingki ang pagpakig-away gerilya sa rehiyon, dalanguan nga nagsulong ang hublag sang pumuluyong Cordillera para sa kaugalingon nga determinasyon kag pungsodnon nga demokrasya, kag nagbaskog ang nagkalainlain nga rebolusyonaryong organisasyon kag paghimakas sang banwa. Apang pagkabagsak sang pasista nga diktaduryang Marcos gingamo ang hangaway kag kahublagan masa sang pagpanabatahe kag pagpangtunga sang kontrarebolusyonaryong guban Balweg.

Nagbalik si Kaupod Boy sa Central Luzon sang 1987 kag gin-deploy bilang sekretaryo sang Parti-

do kag kumander sang hangaway sa sakop sang Pampanga, Bataan kag Bulacan kag katapo sang rehiyunal nga kumand sa operasyon.

Sa masunod nga mga tuig nag-uyat siya sang nagkalainlain nga naga pamuno nga katungdanan sa rehiyunal kag sub-rehiyunal nga organisasyon sang Partido kag hangaway sang banwa sa Central Luzon.

Sang maglupok ang todo nga kampanya anti-Partido sang mga kontrarebolusyonaryo nga traidor sa pungsodnon nga lebel kag rehiyon sang 1992, lakip si Kaupod Boy nga malig-on nga nagpanindugan para sa mga sandigan nga rebolusyonaryong prinsipyos, nagsulong sa Ikaduha nga Dungganon nga Kahublagan Panadlong kag pursigido nga nagbato sa anti-Partido nga pagpanamad kag pagpangtunga. Sang 2002 napilian siya nga katapo sang Komite Sentral.

Mga 2009 liwat siya nga gindeploy sa Central Luzon bilang katapo sang komiteng rehiyon kag kumander sang kumand sa operasyon sang rehiyon tubtob nga nagretiro siya bangud sa malala nga ginabatyag.

Bilang pagkilala sa iya sinsero nga pagsaway sa kaugalingon kag pagtadlong sa nangin kahinaan kag signipikante nga amot sa pagpanibag-o nga kusog sa rehiyon, liwat naman siya nga napilian nga katapo sang Komite Sentral sang 2014 kag 2016.

Biktima sang pasistang kapintas kag rebolusyonaryong martir si Kaupod Boy. Paliwat-liwat nga ginpamatud-an niya sa madamo nga mabudlay kag mapiot nga kahimtangan ang iya kalig-on kag katampad sa rebolusyon. Ang isa ka mang-hod niya nga lalaki biktima man sang grabe nga tortyur sang madakop sa panahon sang rehimeng Aquino 1 kag wala na ginpatuhaw sang mga pasistang berdugo tubtob sa subong, kag ginakabig nga madugay na nga ginpatay.

Nagtaliwan man si Kaupod Boy padayon nga magapabilin nga buhi sa panumduman kag isip sang Partido kag masa ang iya malig-on nga rebolusyonaryong panindugan kag ubos-ikasarang nga pag-alagad sa rebolusyon kag pumuluyo.

Mapulang saludo sa rebolusyonaryong martir nga si Kaupod Boy!
Malig-on nga sundon ang rebolusyonaryo nga dalan ni Kaupod Boy!
Itimalos si Kaupod Boy kag iban pa nga martir kag biktima sang pasistang kakugmat!
Isulong ang demokratiko nga rebolusyon sang banwa tubtob sa lubos nga kadalag-an!
